



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 110. Præcedente admonitione Rex a Papa anathemate percussus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

patrocinium confugientes ab ejus obedientia deficerent.

Sæcul. XVI.
A. C. 1589.

§. CX.

*Præcedente admonitione Rex a Papa
anathemate percussus.*

Sixtus quoque hoc timore percussus die quinta Maji decretum, quod *Thuan. l. 95. Spond. hoc ann. n. 10. Journal de Henri t. 1. Matthieu l. 8.* *monitorium* vocant, in Patrum Senatu edidit, quo post iterato narratam Cardinalis Guisii necem, & Borbonii, atque Lugdunensis detentionem, quibus Rex quamvis sæpe monitus satisfacere non curasset, pro paterno affectu, quo eum semper profecutus fuisset, denuo per viscera misericordiæ Dei hortabatur, & Auctoritate Apostolica primo, secundo, & tertio monebat, præcipiebatque, ut dictos Borbonium, & Lugdunensem intra decem dies a die publicati *monitorii* numerandos, pristinæ libertati restitueret, & triginta post restitutionem diebus id Sedi Apostolicæ idonee significaret: ni faceret, eum, & cunctos, quicumque iis in rebus consilium, auxilium, aut favorem præstarent, in Ecclesiasticas censuras incurfuros, & ab Ecclesiæ corpore excindendos, atque ejus communione privandos minitabatur, prout in sacris Canonibus, & diplomate, quod feria quinta

Yy 2 hebdo-

Sæcul. XVI. hebdomadæ sanctæ prælegitur, san-
 A.C. 1589. citum esset.

Præterea Pontifex hunc Regem ce-
 tabat, ut intra sexaginta dies a cita-
 tione, per se, vel Procuratores idoneos
 Romæ in iudicio se sisteret, rationem præ-
 teritorum redditurus: porro horum sexa-
 ginta dierum viginti pro prima, toti-
 demque pro secunda, reliqui pro tertia
 admonitione canonica assignabantur:
 declarabat insuper Papa, quod interea
 nec Rex, nec ceteri hujus cædis com-
 plices, a quoquam quacunque digni-
 tate, aut facultate prædito, nisi a so-
 summo Pontifice, neque etiam in foro
 conscientiæ, excepto mortis articulo,
 ac nec tunc quidem, nisi præstita cautio-
 ne de parendo Ecclesiæ in iis, quæ es-
 sent illis injuncta, absolvi possent:
 præterea addebat derogationem omni-
 bus indultis, facultatibus, aut privi-
 legiis, seu Regi, seu ipsius Majoribus
 quacunque forma, modoque in contra-
 rium concessis. Porro hoc monitorium
 quamvis propositum fuisset in Patrum
 Senatu die quinta Maji, haud tamen
 publicatum est ante vigesimam quae-
 tam ejusdem Mensis diem, qua affixum
 de more fuit ad valvas Basilicæ S. Pe-
 tri, & sancti Joannis in Laterano, nec
 non ad portas Cancellariæ Apostolicæ
 & in Campo Floræ, cumque in eo præ-
 ritæ

riter mandaretur, ut ad valvas duarum, vel trium Ecclesiarum Cathedralium ex sex ibi nominatis promulgaretur, ne Rex, vel ejus subditi ignorantiam obtendere possent, ideo vix foederati hoc diploma receperant, cum illud Meldis, & Carnuti promulgarent, etiamsi Thuanus Carnutensis Episcopus obstitisset: Franciæ autem Ministri post hoc decretum in Patrum Senatu sancitum haud amplius Romæ subsistere audebant, hinc Joyosa Cardinalis, & Arnaldus Ossatus Venetias secesserunt, Pisanius vero Marchio, & Cenomanensis Episcopus Liburni conscensa navi in Franciam reversi sunt.

§. CXI.

Rex ad hujus decreti famam perterritus.

Attamen Venetæ Republicæ Senatus, Magnus Etruriæ Dux, necnon Dux Mantuæ præ ceteris priores Regem de decreto adversus eum Romæ promulgato certiores reddebant: non deerant quidem, qui hoc edictum nullius valoris esse, Henrico persuadere niterentur, nihilominus ipse exinde summo terrore affectus Senatum suum convocavit, ac de opportunis hanc tempestatem suo capiti impendentem declinandi mediis deliberari præcepit, ita

Journal & Thuan. l. c.